

皇宋通鑑長編紀事本末

皇宋通鑑長編紀事本末卷第三百三十二

徽宗皇帝

講議司

崇寧元年七月甲午詔曰朕聞治天下者以立政訓迪爲先篤孝思者以繼志述事爲急蓋制而用之存乎法推而行之存乎人雖華夏乂安黎民樂業而法敎一定事責變通損益之間理宜稽考况宗室蕃衍而無官者尚衆吏員冗濫而注擬者甚艱蓄積不厚於里閭商旅未通於道路廉恥益寡奔競實繁風俗澆漓薦舉私弊鹽澤未復賦調未平浮費猶多賢鄙難辨歲稍饑饉民輒流離然制之必有原行之必有序施設必有方舉措必有術是故俊彥不

可以不旁求法度不可以不修講宜如熙寧置條例司體例於都省置講議司差宰臣蔡京提舉遠簡乃僚共議因革庶臻至治以廣詒謀 辛亥詔昨降置講議司手詔內事件許中外臣庶具所見利害聞奏 八月丁巳尚書右僕射蔡京言奉手詔提舉講議司仍令遠簡乃僚共議因革伏見戶部尚書吳居厚翰林學士張商英刑部侍郎劉棻才猷敏劭練達世務欲乞差充詳定官起居舍人范致虛太常少卿王漢之倉部郎中黎琦吏部員外郎葉棣乞差充參詳官臣伏見手詔如宗室冗官國用商旅鹽澤賦調及尹牧事皆政之大者臣欲每事委官三員討論並乞差充檢討文字有見任者令兼領不可兼及在外者並權

罷現任赴司供職 又言熙寧條例司檢詳文字及編定  
并在司分遣出外相度共一十九今事有多寡人力有餘  
或不足乞從本司隨事分委仍乞以承奉郎喬方鄂州司  
戶參軍沈錫充尹牧檢討官 九月己丑少府監丞強浚  
明爲主客員外郎講議司參詳官 太常丞陳昉爲駕部  
員外郎講議司參詳官 癸卯翰林學士蹇序辰兼修國  
史實錄修撰講議詳定官 十月丁卯講議司檢討官李  
口胡奐修提舉措置監事口淮南奐修西浙路 戊寅詔  
河南府草士裴鈞上書乞崇修崆峒觀給付常住地上是  
鹽池水化之源四京建二相廟卽呂誨銘是化水之本及  
妄議熙寧以來常平免役市易保馬鹽法契頭義倉等事

并稱上感虫蝗水旱克賊交起日蝕地震鹽池變海等語  
言狂悖事理誕妄託意鹽池潛圖姦利理當懲罰以戒亂  
化之民其裝筠特送五百里外州軍編管所有講議司許  
陳言利害文字指揮勿行

裝筠當考

辛巳講議司言修定解鹽地分收到鹹土及淋鹵水依私  
鹽法上三斤水三升計一斤之數等條從之 十一月壬  
子講議司言江淮鹽鋪戶每遇關鹽止用金銀等抵當出  
賣容鈔坐邀賤售商賈折閱乞行止絕全部以爲抵當元  
豐法也過一年者沒官乞改爲半年從之 戊寅尚書右  
僕射蔡京言臣等昨具陳乞諸路置學養士伏承認旨令

講議司立法頒行謹以元陳請畫一并參酌太學勅令格式取其可以行於外者修立成諸路州縣學勅令格式并一時指揮凡十三冊謹繕寫上進以聞 二年二月癸丑講議司言市舶合措置事乞令逐路轉運司相度以聞從之 戊辰講議司言修立產茶州軍不得私賣京東京西河東北路許商旅以官茶與販條告捕支賣等依元符令格從之 丙子詔諸路學田一路所管戶絕田多寡不同以有餘不足相補通一路支用從講議司奏請也 三月乙酉講議司言諸路州學學生額見州縣學 四月癸亥講議司乞下諸路茶場具開場以來商旅所納錢數申國用房從之 五月丙申講議司言兩川以坊場錢歲數萬緡

朝廷撥充陝西常平許商旅於沿邊納錢充兌便每一千  
加三百以饒商旅者許陝西錢錢太輕若復加饒則為太  
優詔罷加饒 七月庚寅講議司言知泗州姚孝乞天下  
之士皆不得在外私聚生徒使邪說故行無自流行看詳  
若不許在外私聚生徒即不係置學之處子弟無從聽講  
難以施行口口非先聖賢之書及元祐故事學術不許教  
授條禁欲遍行曉諭應私下聚學之家並仰遵作上條從  
之 八月丙辰講議言榷茶並依元符條令不帶復分單  
牒其未立文處合增入或革字或牒字從之 丙寅講議  
司言縣學格內三句所試乞改為月試季一周之五月試  
義仲月試論季月試策從之 九月壬午講議司劄子自

去年九月十七日推行新法東北鹽十月九日客人入納  
算請至今年九月三日終收趕到錢一百六十四萬八千  
六百三十六貫三百六十八文本錢一十四萬七千七十  
三貫息錢一百五十萬一千五百五十三貫三百六十八  
文詔講議司詳定官蹇序辰范致虛劉賡張康國參詳官  
崔彪鄭僅各轉一官鹽澤房檢討官馮堪轉一官與開封  
府推官呂琮轉一官興寺監丞權貨務監官丁維吳薦各  
減二年磨勘宋康年轉一官逐路提舉措置官陝西路李  
愷河北路韓敦立京東路郭異京西路余授各轉一官愷  
先爲陝西路轉判官仍陞轉運副使

蹇序辰翰林學士范致虛兵部侍郎劉賡刑部侍郎張



康國中書舍人崔彪都官員外郎國用檢詳持服人鄭  
僅朝散郎直龍圖閣馮譔朝請郎元年八月五日爲鹽  
澤檢討馮京子呂琮承務郎元年八月五日爲鹽澤檢討  
逐路提舉措置官八月二十九日差轄敦立郭異余授  
李愷呂建中淮南十月十六日胡奕修兩浙十月十六  
日呂建中先措置淮南路賞獨不及當考

士辰命講議司官詳求禮樂沿革修爲典禮講議司言乞  
置醫學養士命博士正錄訓導設三科以教生員治經試  
選等並依太學法從之 庚子講議司修立諸路知通令  
左起發上供及本處經總費皆足二稅無欠者通場務課  
額增倍轉官條從之 癸卯講議司言東北鹽已放入解

鹽地分慮客人影帶私鹽走失謀利舊條未至嚴密令別  
正法及販乳香比鹽法等條從之 十月乙亥講議司言  
雅州錫窟元豐七年興置元祐二年廢罷令乞召九門取  
入賣依元豐法從之 十二月丁未講議司言解池未壞  
以前官給解鹽鈔募客人入納糧草遂還以鈔鹽今解池  
既無鹽可還并河北文鈔賣與在京交引鋪戶兼時賤買  
致沿邊入納艱阻侵壞鈔法乞依熙豐買鈔所別以他物  
拆博差催貨務監官二員別差使臣或選人三員同主之  
慮客人賣到文鈔正以米鹽鈔并東北一分鹽鈔及度牒  
官告雜物等博換從之

詳具後項熙豐買鈔所初置年月當改

講議司言勘會解池未壞以前官給解鹽鈔募客人入納  
糧草遂以鈔鹽令解池未復其鈔尚循舊法給解鹽文鈔  
客人齊赴京解池既無解鹽支還并河北文鈔責與在京  
交引舖戶乘時邀利賤價收買致沿邊入納艱阻客人虧  
折錢本侵壞鈔法合行措置乞依照寧元豐買賣鈔所別  
以他物折博條具八項並從之見上三年三月辛巳知樞  
密院事蔡卞言昨被旨以講議司武備房歸樞密院差臣  
提舉今來訓練民兵增置兵額已施行訖欲乞罷樞密院  
講議司限半月結絕從之 四月甲寅講議司言元豐中  
神宗令張範鎮劉幾范日新講求巢穴築筮之類當時曾  
鑄板宣賜大臣今韓絳家有之欲權借照使詔可 乙丑

宰臣蔡京言伏奉手詔置講議司度今文字不多理當歸  
之省部欲乞限一月結絕罷司如有未了事件乞送尚書  
省分隸施行從之 五月癸未奉議郎檢討文字提舉措  
置兩浙香鹽事胡奐修轉一官以本路鹽課增羨也 六  
月辛酉講議司言熙寧九年嘗置太醫局教養生員分治  
三學諸軍病患歲終比較等第給錢元祐裁減浮費遂行  
廢罷今已置列醫學教養上醫外所有本局並合與復從  
之 八月戊申詔講議司官屬依制置三司條例司體例  
推恩翰林學士承旨張康國刑部侍郎劉廣提舉洞霄宮  
寨序辰顯謨閣待制范致虛王漢之等三十五人各遷一  
官餘四人及尚書省都事任克等支賜銀絹遣官轉資減

磨勘年有差提舉洞霄宮張商英係元祐姦黨及會言鹽法并奏鹽數未實管勾靈仙觀吳儲係元祐黨吳安詩子監滑州鹽酒稅李口昨爲不親詣通泰等州措置鹽事特銜替添差岐亭鎮酒稅虞防爲毀哲宗謚號係入籍人更不推恩 又詔講議司係紹述熙寧元豐法度與其他官司事體不同應緣講議司所得恩例今後無得攀引

實錄全不載詔旨太詳宣和錄太畧今別修如上

宣和六年十一月丙戌手詔神考暨正六官修舉百度上有道揆下有法守先後詳畧若網在綱用垂裕於萬世繼志述事正在今日比年以來官不修方使得撓政上下苟玩名爲道揚而實侵紊法本一定可循勿失而官司使文

緣事建請遂至於條目滋繁以式均財本無不足而流品  
猥衆糜食無名遂至於用度冗濫誣名器重爵賞所以示  
天下之公而僥倖路啟請謁相先故人才失任使之實時  
賦役勸農桑所以厚天下之本而貪利誕謾掎克無藝故  
民力有匱乏之憂以類推之不可勝言可令尚書省置局  
詳議以講議司爲名究本推原務協於大公至正之道以  
廣紹述先烈之休其名遵存以稱朕旨 御筆差蔡攸同  
白時中李邦彥就尚書省置講議財利司除茶法已有定  
制法令究具更不取索外餘並講究利害條具來上限一  
季結絕

初草十一月六日御筆按十三日始降詔置講議司恐

此云六日必誤失勝非云宣和七年蓋講議司以革弊  
事宰執為提舉官余在都司被命覆實凡已經裁減者  
再看詳訖方行取旨未幾太保領樞密院蔡攸同提舉  
余固已疑之攸違議以謂內侍掌職事於宮禁外庭無  
由稽攷乞應合裁減事委童貫取旨時貫以廣陽郡王  
領右府諸閹之長故也後旬日送下五十餘狀貫云禁  
中進呈得旨並依余即編閱皆主者自陳名為減損其  
實增添知某局元置親衛兵士五百人自置營以來止  
有三二百人今減元額作四百人却限一月招換或取  
撥足數他事大率如此方悟攸言與此曹為地嘗檢照  
官制熙寧以前文臣朝議大夫至中奉大夫共二十九

員止有中散二員餘皆朝議令一百九十餘員武臣觀  
察使至節度使止二十七員令一百七十員餘官五之  
二合文武官舊有九千餘員今三萬五千餘員余力請  
於時相白時中李和彥謂置司無補不若不置未幾結  
罷初崇寧中蔡京作相置講議司凡謬政獎法流毒天  
下者皆當時所爲也官吏數百人增給厚俸濫賞驟遷  
浮費不貲會集僚屬蠲黃錢頭一以用錢一千三百餘  
緡則他可知矣如是二年而罷今置司又以講議爲名  
雖立意不侔亦無補也

辛卯開封尹兼侍讀燕瑛前歲獻閣直學士任諒時起復  
並爲講議司詳議官朝散大夫直秘閣季同朝請大夫工



雲承議郎鄭望之朝奉大夫直祕閣高銜並為參詳官  
十二月甲辰朔予詔朕執權秉要以正王道賦事圖功責  
在股肱之臣比年以來任匪其人政失厥中明發悚惕念  
我烈考之謨訓修葺蠹弊庶幾持循肆命近弼置司講議  
太師致仕蔡京輔朕初載誕著碩膚屬閔勞以官職之事  
即安重慶憲其言行尚有賴焉書不云乎詢茲黃髮則罔  
所愆京可兼領講議司聽就私第裁處仍免簽書毋致勤  
勞以稱貴老貪賢之美

寶錄本紀云蔡京領講議司朱勝非云蔡京崇寧元年  
拜相四年罷大觀元年復入三年又罷政和二年復入  
宣和初又罷六年冬王黼罷相白時中李邦彥並拜太

少宰未幾京東盜起京堂聞然以謂宰相望輕乃詔京復總三省許私第治事三五日一造朝時京已八十歲目盲不能書字足蹇不能拜跪矣子條用事凡判筆皆條爲之仍代京禁中奏事於是肆爲姦利賞罰無章然陟紛紅條妻兄韓招者驟用爲戶部侍郎密與謀議朕逐朝士殆無虛日條每造朝侍從以下皆迎揖附耳語堂吏抱文按數十人從之遣使四出誅求採訪喜者令薦之不喜者令勅之縉紳無不側目

七年四月己未講議司奏內降臣僚劄子及杭州裏外市戶呂禧等狀乞納錢免行事看詳州縣行戶立定時旬價值令在任官下行買物益令知物價低昂次防虧損貪暴

之吏怙法倚勢非理搔擾等今相度欲依所乞今兩浙路  
依杭州已降指揮立為永法諸路州縣依此仍令運路提  
刑司選委清強官同州縣知道令佐取索行戶色數計在  
任官多寡隨陪費輕重立定免行錢其錢並作上供赴大  
觀庫送納云云詔依舊講議司措置到事理施行 庚申

太師魯國公領三省事蔡京依前太師魯國公致仕 乙  
丑講議司奏契勘諸路州縣供官之物不許擅行科配比  
年以來轉運司多不以州軍大小州軍又不以縣邑人戶  
家力一槩批科及諸縣將批降之物徃徃比合用之數賄  
行增添容縱公吏作契為甚欲今後應科配之物轉運司  
隨州軍大小州軍隨縣邑人戶家力均批令當職官前期

依此品量均定其逐等逐戶合科配物色數目中本州檢  
察仍以人戶等第家業合著之數單名降榜付縣曉諭人  
戶通知如有不均或數外增添催科許人戶越訴監司覺  
察按劾庶幾輸納均當革去姦弊從之 己巳講議司奏  
檢會講議司劉子勤會人戶輸納官賣鈔旁州縣不能鈐  
束公人計會盡行收買却於人戶處逐求厚價比之官價  
多至數倍兼又阻節留滯是致有人戶懼賣所納物斛用  
克獲口為害甚大緣上件鈔旁錢法行已久難以盡行免  
放欲更不印賣止令人戶從便自寫鈔旁輸納官置單名  
歷用合同印記令人戶量納合同印記錢杜絕阻節之弊  
亦可以關防偽造所有約束并納錢合行事件別具措置

行下詔依所定施行 六月辛未講議司奏欲令諸路豐  
熱州縣佔定大小麥實直上價與加稅三分聽人戶赴官  
折納無得輒有抑動應合分科積欠只將合催之數勸誘  
折納其未合催科次無得一例催理從之 癸亥講議言  
視官非元豐官制不惟紊亂名實兼亦耗盡國用詔視官  
並罷 甲子講議司看詳命官出身各有條法比年以來  
吏職入任或進納并雜流之類補官人往往攀援陳請改  
換出身所有應於遷轉請給奏為恩例得官等欲並依元  
入仕本法施行詔依所奏今後出身並依本法更不得攀  
援陳請改換雖奉特旨仰中書省執奏不行 乙丑講議  
司言臣僚恩數請給人從等皆有著令欲應臣僚恩數請

給人從等各依本法其依某人等例指揮並更不施行從  
之 講議司言者詳進納買官元豐係有正法唯因軍功  
捕盜或選人換授至陞朝官方許作官戶紹聖免役條繫  
宗室及曰命婦親并義勇保甲授官或取妻以陣亡之家  
恩澤授官而係第一等人戶並同進納法見任小使臣宣  
教郎以下役錢並不免及政和令亦不許免科配除進納  
買官合依舊法外所有祇應有勞進頌文理可抹及特旨  
并非泛備官若不以官序便爲官戶例免科役顯屬僥倖  
今措置欲將前項補官人並依進納授官法因軍功捕盜  
轉至陞朝官非軍功捕盜人轉至大夫以上方許作官戶  
所有以前見充官戶之家並依今降指揮改正兼契勘應

非合作官戶而特旨許作官戶者依今來御筆亦合改正從之 丙寅講議司言諸路歲貢共三百一件今來除六尚年計外可裁減八十六件罷三十七件詔近命有司考不急之務無名之費將加裁定允協厥中惟任土作貢古之道也然化自內始正由身率乃克有濟 云云 應諸貢物可依今來裁定施行 七月癸酉講議司奏奉御筆吏職出身不以是何官資只支文武功大夫俸及恩例奏薦令講議司條畫以聞着詳吏職出身之人依法轉至武功大夫止餘轉遇郡人合依下項御筆止支武功大夫俸及恩例奏薦為依武功大夫格法外所有轉正任人理須分別詔吏職出身轉正人請依依選郡格遞降一等支破內正任

刺史依遙郡本等具合請添支依條施行恩例奏薦依此  
戊寅講議司奏奉御筆外路不奉行御筆殆成虛文者  
詳州縣監司被受御筆觀望稽違陰有沮壞不即奉行云  
云欲今從承受御筆指揮委其承受行違月日奉行次第  
申州州中所屬監司點檢如奉行稽違減裂不當並覺察  
按劾其監司奉行謬誤不即改正固執偏見公然阻隔仍  
依條互察以聞從之 甲午講議司奏奉七月二日御筆  
看詳內侍官詣給欲自右武武功大夫以上應帶遙郡同  
依今降指揮支一分見錢二分折支武功大夫合依嘉祐  
祿令祇候內共以下并隨戰功人依現行條法施行 九  
月庚午講議司奏契勘外路州軍遇天寧節啟建聖壽道



場滿散日依舊令錫宴監司及提總官並合就赴近年綠  
外路申請許監司以本司錢排辦運於一郡之間連日宴  
設因緣搔擾及多造酒數分受所餘殊失法意欲今後監  
司庶訪提總之官遇天寧節依舊赴所在州軍錫宴從之  
十一月庚午講議司奏看詳牛羊司并乳酪院手分專  
副請自元豐年後來於大觀元年政和八年兩次增添顯  
屬太優欲手分專副各減食錢三貫文其押司官所請不  
多依舊支破外餘本處奏乞事理減監官茶湯錢四貫文  
監門官茶湯錢三貫文書手食錢一貫五百文詔並依元  
豐法 庚辰講議司奏勘會州縣行戶供應見在官并公  
使等陪費不易已降指揮量立免行錢悉罷供應務使行

戶安業草去揜掩之弊節次據外在官臣條上言奏陳奉  
行未久商賈四集物貨流通比之往日實直反更低小公  
私蒙利兼訪聞自降指揮至今帥府監司置司所在州軍  
推行已得就緒所有其餘州縣應合一體推行從之 十  
二月金人入寇

皇宋通鑑長編紀事本末卷第三百三十二

皇宋通鑑長編紀事本末卷第一百三十三

徽宗皇帝

議禮局 大觀政和二禮附

大觀元年正月庚子御筆議禮局依舊於尚書省置局仍  
差兩制二員詳議屬官五員檢討應緣禮制可據本末議  
定取旨 二月壬戌議禮局言臣等伏以功成作樂治定  
制禮國家承祖宗積累之基陛下以威德大業緝熙太平  
視六服承德之世可謂並隆矣乃者既成雅樂於是又置  
官設局講修五禮臣等竊聞孔子稱商因於夏禮周因於  
商禮所損益可知然則禮不可以不因亦不可以無損益  
因之所以稽古損益所以趨時今去唐虞三代為甚遠其

所制作忍當上法先王之意下隨當今之宜稽古而不迂  
隨時而不陋取合聖心斷而行之庶幾有以追治世之彌  
文善天下之習俗以成陛下聖治之美意一代之盛典從  
之 己已起居郎劉渙秘書丞胡仲校書郎俞棗並爲議  
禮局檢討官從詳定官翰林學士鄭居中等奏請也 二  
年六月戊申詔付議禮局承平百五十年功成治定禮可  
以興而彌年討論尚或未就稽古之制適今之宜而不失  
先王之意斯可矣防民範俗在於五禮可先次檢討來上  
朕將裁成損益親製法令施之天下以成一代之典 十  
一月辛酉兵部尚書議禮局詳議官許昂奏有司所用禮  
器如尊爵罍置之類與士大夫家所藏古器不同蓋古器

多出於墟墓之間無慮千數百年其制作必有所受非爲也傳曰禮失則求之野今朝廷欲討正禮文則苟可以備稽攷者宜博訪而取質焉欲乞下州縣委守令訪問士大夫或民間有蓄藏古禮器者遣人即其家圖其形製送議禮局從之 癸亥御筆議禮局禮當追述三代之意適今之宜開元禮不足爲法今親製冠禮沿革十卷付議禮局餘五禮令視此編次 四年二月戊寅議禮局奏古者禘祭朝踐之時設始祖之位於戶西南面昭在東穆在西相向而坐薦籩豆脯醢王北面而祀之此堂上之位也進饌之後席於室在戶內西方東面爲始祖之位次北方南面布昭席次南方北面布穆席其餘昭穆各以序此室中

之位也設始祖南面之位而朝踐焉在禮謂之堂事設始祖東面之位而饋食焉在禮謂之室事考漢舊儀宗廟三大禘祭□□諸帝以昭穆坐於高廟設廟神主皆合食設左右坐高祖南面則自漢以前堂上之位未嘗廢也元始以後初去此禮專設室中東向之位晉宋隋唐所謂始祖者不過論室中之位耳少牢饋食大夫禮也特牲饋食士禮也以儀禮考之大夫士祭禮無為腥朝踐之士故饋食於室至於天子祭宗廟則堂事室事皆舉堂上位廢而天子北面祀神之禮闕矣伏請每行大禘堂上設南面之位室中設東面之位始祖南面則昭穆東西相向始祖東面則昭穆南北相向以應古義又奏古之祭祀必七日戒三

日齋然後可以交於神明周官太宰祀五帝則前期十日  
帥執事而卜日遂戒謂散齋七日致齋三日也秦變古法  
改用三日漢則天地七日宗廟五日親晉因之唐則大祀  
七日雖多寡不同皆非先王之制乞明詔有司應郊廟大  
祭祀皆前期十日而戒 齊七日致齋三日以應典禮又  
奏竊惟陛下度律均鐘更造雅樂施之天下爲萬世法至  
於禮器尚仍舊制未聞有所改作禮樂者國之大本而起  
於度數度數得則權量正法度一而民不疑今禮樂異制  
不相取法非所以一民也乞明詔有司取新定樂律之度  
審校禮器有不合者悉行改正以副制作之意並從之

上並因實錄

又奏脩成大觀禮書吉禮二百三十一卷祭服制度十六卷祭服圖一冊據經稽古酌今之宜以正沿襲之誤又別爲者詳十二卷祭服看詳二冊詔行之

詔旨無之實錄蓋因新儀也御筆改正七項當檢新儀刪去增入本局劄子臣等聞國之事莫大于祀禮之經莫重于祭所以嚴神祇之奉隆本始之報聖王之制以此爲先其器服之用牲幣之等殊數之節多寡之數見於周官者爲詳自秦漢以來禮文殘闕說聞俗學因陋就寡雖天地大祀所當明察而合祭之失千載莫革則其餘益可知矣道與世升理若有待恭惟皇帝陛下天錫明聖王承先烈爰詔有司討論舊典親御翰墨著爲



格目科指部居總集該盡承學之臣獲遵寶訓實千載  
難逢之會臣等今恭依所頒冠禮格目博極載籍先次  
編序大觀新編禮書吉禮二百三十一卷并目錄五卷  
共二百三十六冊祭服制度十六卷共十六冊祭服圖  
一冊其據經稽古酌今之宜以正沿襲之誤又別為看  
詳一十二卷目錄一卷共一十三冊祭服看詳二冊謹  
隨劄子上進損益裁成伏乞斷自聖學仍乞降付本局  
修定儀注大觀四年二月初九日奉御筆閱所上禮書  
并祭服制度頗見詳盡內禘祫禮自昔所論不一今編  
次討論尤爲允當除依今來指揮改正外餘所奏修定  
御筆改正七項 禮書本第一議先奏六樂後奏黃鐘合

用禮神祀神之禮先王祀天各以象類求之方其求於幽則體其道而象其色璧以圓牷以蒼日以冬至以其幽而遠故倍樂而求之自黃鐘陽生之律至雲門之舞六變而後天神始降可得而理其求於顯則體其用而象其色不以璧之圓而以圭銳不以牷之蒼而以特之赤日以上卒以其顯而近故分樂而序之奏黃鐘歌大呂舞雲門而已夫天帝一也自本而求之則曰天自其用而求之則曰帝其禮其義其所其事各異也祀天者不可以求帝求帝者不可以祀天天者昊天也帝者感生帝也詩曰皇天上帝既曰天又曰帝體用不同故也今先獻以蒼後獻以赤考周官之書有分而序之之言無合而祀之之說有蒼璧四

圭之異無先壁後圭之制有蒼犢騂牲之殊無先蒼後赤之禮夫牲本赤而飾以蒼欲以降神之禮格天天其可欺乎蓋自周以迄於今千數百載未之有改今無所稽據合其禮於圓邱冬祀之日違經背義不可施行 禮書卷第二議設壺尊於壇下禮之施各有其宜禮運所稱後聖有作為臺榭宮室以炮以燂以烹以炙元酒在室醴醎在戶案醎在堂澄酒在下陳其犧牲列其琴瑟以降上神與其先祖考其宮曰室曰戶曰堂曰下蓋在寢在廟之制非邱壇之禮考周書酒正掌酒之政今有的數有器量亦無在上在下之文於古無所稽可不須改 禮書卷第四議乞立春後上辛日祈穀先王祈鬼神各隨其事各協其時各

異其禮萬物萌於春新於辛正月春之始和也上辛日之  
初應也故祈穀以正月之上辛不可易也若立春前遇辛  
不祈於立春後則以辛日是爲次辛非上辛也今歲在庚  
寅上辛在丑立春在中次辛在亥遇丑不祈而於亥日則  
辛之氣已過不逆其氣而求之非禮也不可施行 禮書  
卷第五蜡祭增日月於南北壇罷去二十八舍星次重複  
先王制禮以求鬼神或於其所出之方出其所主之事日  
陽月陰方求神而覲之則禮日於南禮月於北日出東方  
月出西方求神而口之則祀日於東壇月於西壇各有所  
主也先王之於日月或宿其出或致其至或錢其入或禮  
之或祀之其義不同蜡祭兼日月既祀於西東矣而又禮

之於南北天無二日豈不瀆乎且覲禮所載覲而禮之非  
祀禮也今去星次重複而增日月之祀重複甚矣不可施  
行 禮書卷第十一議乞執政以上祭四廟餘通祭三廟  
禮有等差以別貴賤故廟祭之數天子七世諸侯五世天  
夫三世士二世不易之道今以執政官方古諸侯而上祭  
四世古無祭四世之文又侍從官以至士庶通祭三世無  
差等多寡之別豈禮意乎古者天子七世今大廟已增為  
九室則執政視古諸侯以事五世不為過矣先王制禮以  
齊萬有不同之情賤者不得替貴者不得踰故事二世者  
雖有孝思追遠之心無得而越事五世者亦當口而口焉  
今恐奪人之恩而使通祭二世徇流俗之情非先王制禮

等差之義可文臣執政官武臣節度使以上祭五世文武  
外朝官祭三世餘祭二世議乞立廟者居處狹隘聽於私  
第之側又無別隨宜創置禮以制情使貴賤大小各當其  
分則禮必有制制必有致故不敢踰不敢紊也古者廟在  
大門之內中門之左內示親左示仁也今臣僚寓居口口  
無有定止禮令口口口口立廟當覘於法矣可應有私第  
者立廟於門內之左如狹隘聽於私第之側力所不及仍  
許隨宜議乞品官廟視宅堂之制寢勿踰於廟間數為限  
庶幾易行陽教奇陰教耦天下屋室之制皆以陽為教今  
立廟制寢觀其所祭之數則祭四世者寢四間陰教也古  
者寢不踰廟禮之廢失久矣士庶堂寢踰度備禮有五極

七播者若一旦使就五世三世之數則當徹殿居宇以應禮制人必駭政豈得為易行可今後立廟其間數視所祭世數寢間數不得踰廟事二世者寢用三間者總 四月丁丑議禮局奏臣等見編修賓軍以下四禮據周官以朝宗親遇會同問視為賓禮蓋以古者天子之於諸侯有不純臣之義故其來也以賓禮待之開元及開寶世以蕃國主及蕃國使朝見為賓禮自大朝會以下並於嘉禮修入軍禮除依周禮合編外有大均大役之禮及均賦貢力政及修築宮邑之事看詳古者六師出於鄉軍政寓於井田故大均大役列為軍禮降周以來兵農判而為二其事又非禮官所掌故開寶軍禮並不編入又有大封之禮自置

郡縣其禮不存開寶雖有冊拜諸王公儀係於嘉禮中編入嘉禮除依周禮合編外有餘飲食之禮親宗族兄弟有燕饗之禮親四方之賓客古者飲食燕享之禮其事不同行之或在路寢或在祖廟今朝廷所行均謂之燕禮又版牘之禮親兄弟之國慶賀之禮親異姓之國說者謂兄弟同姓之國也異姓婚姻甥舅之國也今雖有賜酢之禮事既畢比及群臣其儀已具吉禮婚姻甥舅置第京師非如昔裂土受封開元及開寶定禮並無上件儀注乞斷自聖裁付本局遵依編修御筆賓禮鹿鳴之詩以燕群臣其詩曰以燕樂嘉賓之心蓋方其燕樂則群臣亦謂之賓非特諸侯也主尊賓卑君為主而尊臣為賓而卑賓主尊卑之



義辨矣今雖不封建諸侯賓禮豈可廢闕自罷侯置守守臣亦古諸侯也其赴闕被召奏事之類則朝覲會遇之禮豈可廢乎唐不知此而移於嘉禮非先王制禮之意可依周禮參詳去取修立軍禮兵農雖分均而恤之後而任之固在大均之禮恤災恤其事也大役之禮任衆任其力也恤其事非特地賦地職而已任其力非特築宮邑而已今諸軍三年一戍無久近之差無勞逸之異無遠邇之殊均之也營建城邑起保甲興兵夫之類役之也則均役之禮豈可無之禮春也故軍禮在焉其事則各隨所隸如大蒐田之制在夏官朝宗在春官而圖事比功在秋官則豈害於非所掌乎至如大封今有五等封爵然無合衆之事

在於去取禮緣人情因情立制古有今無則不必膠古古  
無今有則自我作古惟當而已嘉禮飲食以親宗族兄弟  
今宗室親王皆有歲時牲餼酒食之賜是也服膳以親兄  
弟之國今兄弟雖不之國祭而受福豈可不與兄弟共之  
有司自當斟酌行事考循古意以立禮制 丙申議禮局  
奏文宣王自開元追謚之初則內出王者袞冕之服以衣  
之樂用宮架其禮制益宏增崇矣國朝會要國子監神像  
舊用冕九旒服九章而不載其更易之端 崇寧四年八  
月詔從國子司業蔣靜之請改用冕十二旒服九章而又  
繪國廟之天下郡邑其執圭立戟乞並從王者制度 又  
言弟子公夏首后處公肩定顏祖駟單罕文黑秦商原抗

樂欵從祀文宣王臣考之文記皆有其名唐閔元禮亦載  
祀典乞皆贈侯爵使預祭享 又言九宮首神皆星也自  
唐以來置壇特祀國朝因之玉用兩圭有邸夫兩圭有邸  
祀土地之玉以祀星辰非是乞改用圭璧以應古制 又  
乞增祀熒惑圭璧及易每歲臘祀大社稷並用太牢如春  
秋二仲之祭 又言國家崇奉赤帝爲感生帝以信祖配  
侑與迎氣之禮不同尊異之也而乃於立夏迎氣之壇祀  
之甚不稱所以尊異之意請於南郊別立感生帝壇依赤  
帝高廣之制 又言周官天府比國之玉鎮大寶器大祭  
則出而陳之說者以謂大祭禘祫也乞遇祫饗應瑞寶貢  
物可出而陳者並令有司依嘉祐元豐詔從事凡親祀太

廟依此 又言請詔有司仿古法制五齊三酒及依開元  
開寶通禮七祀不設奠幣焚幣之儀他小祀依此 又請  
郊廟牲牲命有司毛取純色芻之三月易一牢以應在祿  
之義中祀六十日小祀三十日 又請仿周禮置公桑蠶  
室以興蠶事而供祭服 又言元冥水官歷代祀之不應  
燔燎開元禮及本朝開寶通禮禮畢祀版蟠於齋所非是  
乞祝與幣皆廢之 又言周禮追享朝享裸用虎彘雉彘  
朝踐用兩大尊今春夏每享各用大尊二是以追享朝享  
之尊施之於禴祠烝嘗其為失禮明甚自今四時享太廟  
不用大尊 又言灌以圭璋用玉氣也典瑞裸圭有瓚以  
祀先王圭瓚之制以圭為材其長尺有二寸黃金為勺青

金爲外朱中央其容五升其徑八寸其勺之鼻爲龍首所以出鬱鬯也其下有槃其徑一寸所以承瓚也其大小長短之制皆不如禮乞改造以應古制 又言牙盤上食非古也唐天寶之末韋彤等據經而議謂麇味多品不可交於神明欲罷去之乞祭惟藉以席不用牙盤 又言職金旅於上帝則共其金版蓋旅上帝非一帝也必有版以辨其名與位而版必以金爲之者蓋禮大者莫過乎事上帝所以極嚴潔而不敢忽也乞祀昊天上帝皇地祇五方上帝神州地祇大明夜明與配神之帝皆以黃金飾木爲神位版鍤青爲字其餘則用朱漆金字以是爲尊卑之差 又言大帝祀感生帝神州地祇犧牲用蒲粟器用陶匏

又言感生帝神州地祇國家崇奉為大祀以僖祖太宗配  
侑而有司行事不設宮祭二舞殊失所以尊祖侑神作主  
之意乞皆用宮祭二舞並從之 又言古者諸侯祭五世  
二昭二穆與太祖而五大夫祭三世一昭一穆與太祖而  
三士祭二世祖禰而止按今品官下達庶人皆祭三世無  
尊統上下之差流澤廣狹之別緣偷襲弊其流已久請自  
執政官以上自高祖而下祇親廟四餘通祭三世庶幾有  
尊統流澤之差詔曰禮有差等以別貴賤故廟祭之數天  
子七世諸侯五世不易之道也 餘見上 閏八月己亥詔  
付議禮局士庶每歲中元節折竹為棊紙作偶人如僧居  
側號曰孟蘭盆釋子曰薦度亡者解脫地獄往生天界以

供孝德行之于世俗可矣景靈宮爲祖考靈遊所在不慮俯徇流俗曲信不根而設此泐縱復釋教藏典具載此事在先儒典籍有何據執并是月於帝后神御坐上鋪陳麻苧練葉以藉爪花不委運項可與不可施之宗廟又詔佛乃西土得道之士自漢明帝感夢之後像教流於中國以世之九卿視之見今景靈兩宮帝后忘辰釋教設水陸齋會前陳帷帳揭榜曰帝號浴室僧徒召請曰不違佛勅來降道場以祖宗在天之靈遽從佛勅之呼召不亦瀆侮之甚乎况佛可以稱呼勅旨有何典常又詔天之爲物在道教中謂之獻獸人且弗食而歲時祭祀脩於禮科登於鼎俎於典禮經據如何該載本局言孟蘭盆本梵語譯以華

音即救倒垂器也釋氏之設以爲大目捷連爲母墮餓鬼  
趣中乃於僧自口之日具飯五果百味置盆中以供十方  
而母得食然則具飯以度苦趣設器以救倒垂行於世俗  
可也景靈東西兩宮嚴事祖考神靈在天對越在下奈何  
俯徇流俗設盂蘭盆之儀乎至若麻抹練葉以籍瓜花亦  
非經訓獨出於疏鈔麻穀衆草之論及楚人五月五日記  
屈原之說尤垂典禮不可施用景靈兩宮帝后忌辰用釋  
教設水陸齋供而僧徒召請有不違佛勅之乎以祖宗而  
從佛勅以浮屠而稱勅者失禮畔經不可不訓求之典常  
所宜刊正今景靈宮所用水陸儀式除功德名位崇寧五  
年奉睿旨編類成冊外而其間應用詞語臣等以謂亦宜



如金錄齋儀逐一供具明詔所屬選官再行看詳凡涉借  
養悉行刪正庶於行用無誤太廟祀祠雖具犬牲然六牲  
之薦蓋亦未恪矧犬爲獸獸人猶弗食而載之鼎俎以享  
神明豈事死如事生之意乎臣等以謂宗廟之祭宜如六  
牲之不具焉難四豆之弗薦鴈醢之義去犬牲不用並從  
之仍令禮部取索詞語刪潤聞奏 十一月乙亥議禮局  
言皇后受冊用開元開寶禮泰以近儀修定是日有司陳  
黃麾細伏設宮架皇帝服通天冠絳紗袍臨軒命使羣臣  
皆朝服皇后服禕衣受冊於穆清殿以內侍受冊寶內外  
命婦班賀群臣於內東門上殿稱賀皇后表謝群臣入賀  
如儀乞修祇謁景靈宮儀注及製樂章從之 政和元年

正月丙戌詔議禮局進禮書已降指揮各轉官內有見係  
責降人依例更不推恩所給告令吏部勾收毀抹 三月  
癸亥朔御製御書政和新修五禮序議禮局請刻石於太  
常寺從之 戊辰議禮局奏續次編成大觀禮書宿軍等  
四禮四百九十七表詔依此修定儀注進呈鈔版頒降  
四月癸丑議禮局奏有詔就先蠶壇之側度地築公桑蠶  
室歲養蠶以供祭服令其制度以闡合制公桑蠶室按古  
者公桑蠶室近川而爲之築宮徂育三尺棘牆而外閉之  
後齊之制爲蠶宮方十步牆高一丈五尺被以棘其中起  
蠶室二十七今乞仿後齊之制度地爲宮四面爲牆高徂  
有三尺其屋室間架多寡視養蠶簿數修建合玉蘭館按

漢舊儀皇后蠶於蠶室手三盆于繭館合置織室按漢舊儀凡蠶絲絮織室以作祭服故有東西織室春蠶薄教於經無見按漢舊儀養蠶千薄以上乞並依漢制合置桑林按晉制桑林在東而無多寡廣狹之限今若仿漢制養蠶即當約千薄所用之數度地爲之合置採桑壇按晉制築採桑壇於桑林之側至唐開元禮築於先蠶壇南相去二十步方三丈高五尺四出陞國朝開寶通禮因之合依此修建築室建殿按後齊制爲蠶宮其中建別殿一區用爲親蠶之所今籍田有思文殿以俟御耕臨幸合依做籍田之制於蠶宮中置親蠶殿詔從之親蠶殿仍以無教爲名戊午倉部員外郎議禮局檢討張邦光奏唐開元禮文

多重出如祀五方帝其儀皆同惟時日幣玉小異統制不立倫類不通甚失作者之體至國朝開寶定儀始循唐舊未暇改作且舜典祀四岳其事同者但云如岱禮周官祀神示其體類者皆曰亦如之未嘗重出乞做舜典周官類而為一其小異隨事入注庶幾不至重複從之 二年二

月甲寅議禮局言乞耕籍禮畢還宮依養老例奏樂從之 三月甲申議禮局言北齊隋耕籍皆依法駕唐開元及本朝端拱明道皆備大駕鹵簿今不親享先農止行耕籍之禮其端拱明道命五使稱賀賜赦之類更不施行乞止用法駕從之 四月庚戌朝奉郎許尚志言朝廷以新禮書頒降四方乞各擇官兼掌禮事以上之德意志慮達於

民而察其違犯者詔曰禮以辨上下定民志神考成訓具  
在典冊道無廢興洪之在人官舉其職事乃無廢闕乃方  
討論以知先烈可依尚志所奏令議禮局候五禮儀注成  
采酌條具取旨十一月壬戌議禮局言謹案禮記食三  
老五更於太學天子袒而割牲執醬而饋執爵而酌冕而  
總于則古之人君所以憲德乞言以尊事黃耆者可謂至  
矣然而親拜之文不見於經後漢明帝永平二年以李躬  
爲三老桓榮爲五更始迎拜於門屏之間與之交禮後魏  
孝文帝太和十六年以尉元爲三老游明根爲五更而高  
祖親拜焉故唐開元禮本朝開寶通禮皇帝養老於太學  
皆有交拜之儀蓋遵用後世故事也今欲於儀注內刪去

親拜之文以合經典又老者不以筋力為禮則三者進見  
欲特與免拜但今贊禮者引當御座前躬揖皇帝為與其  
執醬執爵亦乞命近臣為之庶不失禮意伏望揆自聖學  
批降指揮修立詔依擬定修立 三年正月甲寅朔議禮  
局奏州郡貢士有鹿鳴燕古者於賓興賢能行鄉飲酒之  
道禮請易其名如古詔替古者不必循其迹州郡鹿鳴燕  
乃古鄉飲酒之意可止以鹿鳴燕為名有古樂處令用古  
樂 庚辰詔議禮局新修五禮儀注宜以政和五禮新儀  
為名 四月庚戌知樞密院事鄭居中奏恭惟陛下德  
脩明聖觀時會通考古驗今沿情稱事斷自聖學付之有  
司因革綱要既為禮書纖悉科條又載儀注勒成一代之

典跨有三王之隆臣等備員參訂徒更歲月志稟訓指靡  
所建明謹編成政和五禮新儀并序例總二百二十卷目  
錄六卷共二百二十六卷辨疑正誤推本六經朝著官稱  
一遵近制上之御府仰虛一覽恭候宸筆裁定其當以治  
人神以辨上下從事新書其自今始若夫蒐補遺逸講明  
稀澗昔成功而示德意臣等願雖匪材猶當將順聖志而  
成之詔令頒降 閏四月壬戌詔議禮局官曾經應奉修  
皇后受冊儀注并預討論武選官制文字及五禮新儀了  
當中書侍郎劉正夫尚書右丞薛昂並轉正議大夫禮部  
尚書強淵明等並轉一官 七月甲申議禮局言本朝都  
城壇壝之制風師在城之西雨師在城之東以雷神從雨

師之位爲二壇同壇州縣風師在社之東雨師在雷神之  
西非所謂各因其方以類求神者也乞依都城方位建立  
仍以雷神從雨師之位爲二壇同壇從之 己亥置禮制  
局 見本事 六年閏正月庚申太府寺丞王鼎奏五禮新儀  
既已成書欲乞依做新樂頒行之仍許令州縣召募禮生  
肄業於官使之推行民間喜以新儀從事從之 辛酉開  
封府尹王革奏五禮新儀既已布之天下而頒之有司乞  
下國子監委自學官將新儀內冠昏喪祭民間所當通知  
者別編類作一帙鐫板付諸路學事司勸諭學生務令通  
知禮儀節文之意從之

皇宋通鑑長編紀事本末卷第一百三十三



皇宋通鑑長編紀事本末卷第三百三十四

徽宗皇帝

禮制局

政和三年七月己亥詔禮以辨上下定民志自秦漢以來禮壞不制富人瑤壁被文繡倡優僭后飾當世賢者至於太息時君世主亦莫能興思得以踰尊賤得以凌貴欲安上治民難矣比哀集三代鼎彝盥盥盤匱豆之類凡五百餘器載之於圖考其制而尚其象與今薦天地饗宗廟之器無一有合去古既遠禮失其傳矣祭以類而求之其失若此其能有格乎詔有司悉從改造宮室車服冠冕之度昏冠喪葬之節多寡之數等衰之別雖嘗考定未能如

古秦漢之弊未革也夫道之以德齊之以禮有恥且格今  
無禮以齊之而刑施焉朕甚閔之可於編類御筆所置禮  
制局討論古今沿革具畫來上朕將親覽恭酌其宜蔽自  
朕志斷之必行革千古之陋以成一代之典庶幾先王垂  
法後世

三年七月二十一日宣和錄有此寔錄及詔旨並無之  
三年六月十一日并二十一日兩詔可恭攷寔錄於二  
年七月二十一日已書此詔案三年九月五日始命劉  
炳等為禮制詳議官然則置局當在三年七月宣和錄  
得之寔錄誤也 蔡條史補亦係之三年紹述熙豐政  
事同書 本紀亦因寔錄於二年七月二十一日丙子

書置禮制局今不取蔡條史補禮制篇宋興崇寧大觀  
已百六十年矣而禮樂制度多闕不及漢唐始神廟有  
一代典禮之制不就及上自親政慨然述作故以屬魯  
公崇寧中始講求未暇大觀初陰爲有意乃將君臣慶  
會間所藏一時朝廷所被受御筆悉編類以成書託此  
爲名因命門客黃聲表兄徐若谷爲編類官寔欲因官  
給筆札密修講之二人者皆未官於朝編類乃家事故  
時命之報與谷博學謹畏近時亦罕有也方筆具未久  
魯公罷人觀三年六月四日京罷相俄又罷去遂不成  
時穀始登第矣黃聲南劍州人大觀三年貢安宅榜第  
四甲及第政和元年聲乃樞登闈鼓院密上當時所講

議文書上喜命報入館爲正字 政和二年九月十五日  
爲正字而魯公益有召意二年魯公歸闕 京二月一日  
受太師令居第五月十三日 恭致任既復相而上於禮  
文更留神且屢督魯公魯公曰今爲一代典章願何家  
之有不若擇通儒明以付之三年乃下詔具述作旨因  
編類御筆所以置禮制局焉始多聚晚禮之士與其中  
方講求會議郊廟廟有三恪倍位禮而本朝二王後闕  
三恪不備因議禮問纔及之而譖者忽出奇說謂魯公  
又及三恪是欲反矣上偶爲之動魯公狠狠遂止因私  
嘆曰禮制其必不成是後晚禮之士或死或去而親戚  
賓客時多預焉徒隨時事被旨討論而已至于一代典

禮蓋獲及也 政和八年又下詔百官改用履合禮制  
局先是冠服適今之宜倣古之意討論以聞當力行之  
其見服鞞先次廢罷然當是時寔無創禮之志先改革  
者以爲廢釋氏之漸未久魯公罷而局亦罷時鄭居中  
亦被旨修五禮新儀既不通詳又乃儀也非禮也亦終  
不能行屬政和以後上志移于道家者流儀教有期門  
之事官寺小人任權一代典禮遂不充就崇寧以來稽  
古殿多聚三代禮器若鼎彝簋豆犧象尊罍登豆爵尊  
玷洗几古御器悉出因得見商周之舊始驗先儒所傳  
太訛若謂靈山尊但爲器畫山雷而已雖王氏亦曰如  
是此殆非也制度今已傳故不詳錄政和既制禮制局

乃請御府所藏悉加討論盡改以從古薦之郊廟煥然  
大脩有萬壽玉尊者大猶四升器彤珠絕玉玷潤盈  
尺有二寸上每祭祀飲福大朝會爵群臣則用焉其他  
多稱是至其制作之精殆與古埒蓋自漢以來不克有  
此亦太平之盛舉也當是時中書舍人翟汝文奏乞編  
集新禮改正三禮圖以示後世有司因循亦不克就惜  
哉 孫觀供到蔡京事迹崇寧初置講議司講求元豐  
已行法度及神宗欲有為未暇者官屬朱鈺徐處仁等  
局成作編類御筆所御筆皆賜京者後君臣會慶閣成  
又改作禮制局凡尊壘盞盞蓮豆盤匱鼎俎皆不合古  
于是禁中盡出古器用銅依古制重造惟蓮以竹為之

如今紐竹絲器也又用銀鑄爵五十枚東坡常得古爵而不識詩云隻耳獸蓋環長唇鵝喙三趾下銳春蒲短兩柱高張秋菊細疑其飲器也政和元年會上御文德殿受朝朝進賜酒三爵其製作如詩所云乃爵也將禮制局以從官兼領俸賜比它局獨厚又有議禮局知樞密院鄭居中所領今頒五禮新儀是也

九月癸未戶部尚書劉炳中書舍人翟汝文爲禮制詳議官起居舍人陳邦光國子司業曾聞爲同詳議官十月辛酉手詔先王制器必尚其象然後可以格神明通天地去古云遠久失其傳夏集三代盤匱器鼎可以稽考取法以作郊廟禮祀之器煥然大倍無愧于古可載之祀儀從

劉炳之言也 乙丑御崇政殿閱舉制造禮器所之禮器  
并出古器宣示百官

寔錄但書御崇政殿以古器宣示百官今以詔旨十六  
日所書增入

禮制局言圓壇舊制四成一成二十丈再成十五丈三成  
十丈四成五丈成高八尺一寸十有二陛陛七十二級二  
壇墀二十五步古所謂地上圓邱澤中方邱蓋因地形之  
自然非人爲也然王者建國所在或無自然之邱則於郊  
擇吉土以北神位爲壇之制當有度數陽奇陰偶王令諸  
侯爲壇三成用陽數也然則化天之壇宜爲三成自後周  
以來始爲四成逮今未革今定爲圓壇三成自後一成以



九九之數廣八十一丈再成用六九之數廣五十四丈三  
成用三九之數廣二十七丈每成高二十七尺總三成二  
百一十有六乾之策也爲三通造三十六步乾之策三十  
有六也成與堤俱三三天之數也考歷代以及今之壇制  
其次第星辰有不倫者舊制五星十二辰位於第一龕二  
十八宿位於第三龕夫五星二十八宿相與爲經緯則二  
十八宿爲五星之所含而十二次是所相待以成者也臣  
等今議升二十八宿等四十四位於第二龕舊制第二龕  
星辰之位爲重行則壇內之位亦當如之今中宮外宮之  
星爲重行于壇之內其衆星三百有六十位之外如故從  
之候遇今次大禮施行 戊辰禮制局言方壇舊制三成

第一成崇三尺第二第三成皆崇二尺五寸上廣十六丈  
夫圓壇既則象于乾則方壇當效法于坤今議方壇定爲  
再成一成廣三十六丈再成廣二十四丈每成崇十八尺  
積三十六尺其廣與崇皆得六六之數以坤用六故也爲  
四陞爲一一百四十有�所謂坤之策百四十有�也爲  
再壇壇二十有四步取坤之策二十有四也成與壇再則  
兩地之義也其從祭之祫并四鎮海濱五行五嶽同位于  
第二龕而山林川澤邱陵墳衍原隰之祫位內如故壇並  
飾以黃詔令揚戲依此修築十一月乙巳禮制局言討  
論王轄公羊周官巾車言錫樊纓十有再就注樊及纓皆  
以五采屬飾之十有二就就成也今馬纒止有十二而無

采色不應古制欲以五綵扇飾之樊纓十有二就周官馭  
路儀以鸞和爲節注鸞在銜和在軾皆以金爲之韓詩外  
傳曰升車則馬動馬動則鸞鳴鸞鳴則和應今路銜軾並  
無鸞和乞添置周官辀人言蓋之圓以象天蓋弓二十有  
八以象星今蓋弓二十有二不應古制乞增造中車言玉  
輅建大常十有二旂注太常九旂之畫日月者正幅爲終  
旂則屬焉而不言色司常掌九旂之物名日月爲常注凡  
九旂之帛皆用絳以周尚赤故也禮記月令中央天子乘  
大輅載黃旂以金象革木四路及所建之旂與四時所乘  
所載皆合今玉輅所建之旂以青帛帛十二幅連屬爲之  
有外龍而非交龍又無三辰皆非古制如依成周以所尚

之色則當用赤依月令兼四代之制則當用黃仍分終彝  
之制及纁畫三辰于其上又周官節服氏掌祭祀衮冕六  
人維王之太常今改制太常其彝與地當依周官以六人  
維之又左傳言錫鸞和鈴昭其聲也注錫在馬而鈴在旂  
首今旂首無鈴乞增置又車蓋周以流蘇及佩各垂八無  
所注象欲各增爲十二以應天數及輅之諸未盡飾以玉  
爲稱其突而羅紋雜似乃用塗金乞改爲玉又車箱兩轆  
有金塗龜文及鸛翅左龍右虎乃後代之制欲改用螭龍  
加玉爲飾又言既建太常當車之後則自後登車有妨曲  
禮言君車將駕則僕執策立於馬前已駕僕展鈴效駕奮  
衣由右上取或經跪乘執策分轡驅之五步而立君出就

車則右君升車亦當自右由前而入今玉轡前有式櫃不應古制恐當更易以便登車及改式之制又禮記言車符其式周官與人參分其隊一在前二在後以探其式以廣之半爲之式崇參分軫圓去一以爲式圓參分軾圓去一以爲軾圓注立者爲軾今玉轡無式合增置認玉轡用青質輪軾轡帶其色如之四柱平盤虛櫃則用紅增蓋弓之數爲二十八左右建旂常並青太常繡日月五星二十八宿旂上則繡以雲龍之杠青緇鈴垂十有二就流蘇及佩各增十二之數樊纓飾以五采之屬銜軾之上又加鸞和轡之諸未耀葉螭頭雲龍垂于鉞脚花板結紘羅文雜佩羽童麻鍔香寶壓貼牌字皆飾以玉自後而升式櫃不去

既成高二尺七寸五分濶一丈五尺

寔錄有刪修與詔旨畧不同當別攷詳

四年正月辛丑禮制局言夏祭用法駕合乘大輦指揮乞  
賜裁酌詔乘玉輅 二月戊申蔡京等奏禮制局所定皇  
長子冠于福寧殿儀御筭依奏二月中旬選日行之 三  
月丙子禮制局奏崇寧祀儀崑崙地祇設位於壇之第一  
成其說出於鄭康成以崑崙地祇爲皇地祇既皇地祇位  
于壇上則崑崙地祇不當重設崇寧四年有司講明已知  
其非乃復列于西方衆山之首然既有西山位則崑崙在  
其中矣請徹去從之 又奏皇地祇北向蓋取崑崙陰之義  
故賜祀降神升禋于壇其位在丙陰祀降神瘞血于坎其

位在壬而歷代沿襲並設南嚮之位非所謂春陰也今新壇亦于午陸下設小次非是詔神位北嚮于北面設小次四月辛未禮制局言周官旅上帝四望皆謂非常之祭則嶽鎮海瀆從大祫不常用玉祀聖親祠北郊儀注皇地祇以黃琮神州地祇以兩圭有卽嶽鎮海瀆亦不用玉則今來夏祭合依大禮格皇地祇神州地祇用玉外餘並不用兼看詳周禮圭璧以祀日月星辰新義云日月星辰以璧爲卽則四圭卽璧可知四圭卽璧則兩圭卽琮可知先儒之說兩圭有卽亦以璧爲卽其理非是合依新義兩圭卽琮從之甲戌禮制局造所乞進呈所製造冬祀禮器御筆令書藝局進呈五月丁丑禮制局奏每歲夏祭皇

地祇及配位各用米鑑一今親祀正官暑月所設酒醴牲  
牢禮料甚衆欲添置米鑑四十一正配每位各第六二成  
從祀二十五位各一從之 又奏黃琮禮地鄭氏謂之在  
崑崙者兩圭有邸以祀地謂祀于北郊神州之神且黃琮  
兩圭有邸周官特言禮地祀地而已初無崑崙神州之別  
鄭氏之說本于譏緯前代如長孫無忌鞏固嘗辨其非矣  
又皇地祇神州地祇同位于一壇之上於皇地祇則禮而  
不祀神州地祇則祀而不禮豈禮意乎請黃琮兩圭有邸  
並施於皇地祇求神則以黃琮薦獻則以兩珪有邸又言  
黃琮鄭康成及梁正三禮圖皆謂八方以象地再崇義言  
黃琮比太琮每角各刻出一寸六分共長八寸厚寸蓋厚



寸乃大琮之制每角各刻出一寸六分共長八寸于經無  
見考工記有大琮玉琮琢琮駟琮之制獨不言黃琮廣狹  
厚薄之度今方澤並用坤數則黃琮宜廣六寸厚二寸爲  
八方而不刻 又言考工記云兩圭五寸有節以祀地刻  
兩圭之長宜共五寸琮色黃而圭不言色大宗伯以玉作  
六器以禮天地四方而云皆有牲幣各放其器之色牲幣  
自當放玉之色則圭之色獨何以異于琮耶請兩圭用黃  
玉並從之 六月己酉禮制局言有旨定管軍班序乞殿  
前都指揮使在節度使上副指揮在正任節度觀察留後  
之上馬軍步軍都指揮使副都指揮使在正任觀察使之  
上殿前馬步軍都虞候在正任防禦使之上捧日天武四

廟都指揮龍神衛四廟都指揮使在正任團練司之上從  
之 甲寅禮制局言鹵簿六引儀仗信幡承以雙龍大角  
黑漆畫龍紫繡龍袋長鳴次鳴大小橫吹五色衣幡緋常  
畫交龍案樂令三品以上緋常畫豹蓋惟永興器用並飾  
以龍今六引內條群臣鹵簿而祈物通畫交龍非便合釐  
正又大黃龍負團旂畫九一三二四六八五七之數仙位  
細子大神三旂無所經見乞除去從之 六年九月乙卯  
禮制局言竊考太廟陳列祭品每室蓮豆十有二筮蓋各  
二原於有唐開元之制因陋至今未足以副聖上致孝宗  
廟之意乞畫循周制蓮豆各二十有六筮蓋各八如是則  
五廟三廟之器其等與數而可得議也從之先是詔造祭

恭頌賜宰執禮制局製造所乞降祭器名數故有是議  
十月丁亥禮制局奏近奉詔討論臣寮家廟所用祭器稽  
之典禮參定其制正一品每室蓮豆各十有二簋簋各四  
壹罍銅鼎俎篚各二尊罍加勺冪各一爵一諸室共用昨  
俎一盃洗一從一品蓮豆簋篚降殺以西正二品蓮豆各  
八簋篚各二其餘皆如從一品之數詔禮制局製造取旨  
給賜太師蔡京太宰鄭居中知樞密院事鄧洵武門下侍  
郎余深中書侍郎侯蒙尚書左丞薛昂尚書右丞白時中  
權領樞密院事童貫並依次給賜十一月乙未尚書省  
言禮制局新定太廟蓮豆之儀蓮二十有六爲四行以右  
爲上羞蓮二爲第一行朝事蓮八次之饋食蓮八又次之

加豆八又次之豆二十有六爲四行以左爲上羞豆二爲  
第一行朝事豆八次之饋食豆八又次之加豆八又次之  
羞八爲二行在邊之外簋八爲二行在豆之外簋簠所寔  
禮料乞依白來容受之數供辦無本色即以他物代之從  
之 十二月己卯禮制局奉太廟祭器內銅用三登用一  
稿考銅與登皆或美之器祭祀享牲於湯升肉于俎其清  
芼以鹽菜寔之于銅則謂之銅羹不致五味寔之於登則  
謂之大羹周官烹人祭祀共大銅羹是也且宗廟之祭用  
太牢而三銅寔牛羊豕之羹固無可論者至於大羹止設  
一登不知果以何牲之清而寔之邪議者惟知儀禮芼銅  
有牛羞羊豕豕之文故用三銅而不疑至大羹無一定

之說所以止用一豎也以少牢饋食禮考之則少牢者羊  
豕之牲也上佐食羞兩鉶司士進二豆滫兩鉶鉶羹也二  
豆滫大羹也少牢之鉶豆用二則三牲之祭鉶既設三豎  
亦用三無豎矣伏詣太廟設三豎寔牛羊豕之滫以爲太  
羹明堂亦如之其賜宰執與高麗祭器亦乞增一於禮爲  
合從之 七年正月丙辰禮制局奏昨討論大駕六引開  
府令牧乘墨車兵部禮部戶部尚書御史大夫乘夏綬已  
經冬祀施用唯駕士之服各隨其輅之色則六引駕士之  
服當亦如之乞墨車駕士衣皂夏綬駕士皂質縞五色圓  
花於禮爲稱從之 三月甲寅兵部尚書兼侍讀禮制局  
詳議官蔣猷奏臣代見尚書兵部見行大禮由簿圖記寔

天聖間侍臣宋綬等所撰集凡儀衛之物既圖繪其形又  
稽其制作之所自而叙于後一代之威容文物備載于此  
矣陛下頃以治定制禮設局命官稽古從宜訂正批謬如  
大紱之乘元武之旂六引之各與其車導駕之官與其服  
草而從新者多矣然每遇大禮本部所具字圖止按舊書  
爲之名實相戾不可憑用臣愚欲乞特降睿旨命有司取  
所謂函簿圖記更加考正可因而否革之仍以所更定事  
仿舊書之體補成全文藏于有司使永遠有所稽以從事  
此亦治世致詳于禮之意也御筆比聚集古鐘鼎彝器諸  
器得見三代制作之象因命有司悉從改造煥然一新函  
簿因籍當行改修可依所奏令禮制局限一季了畢 四

月丙子禮制局奏按詩稱郊祀天地而繼以我將祀文王  
孝經郊祀后稷而繼以宗祀文王周禮祀大神示而繼以  
享先王然則祀大神者圓邱也祀大示者方澤也享先王  
則明堂在其中三者皆矣而後神示祖考之禮成然非一  
日而能遍蓋圓邱必俟冬至方澤必俟夏至明堂必俟季  
秋千載百載斯禮弗僭今圓壇方澤既展上儀而明堂肇  
新宗祀之期理不緩伏請夏祭大禮後季秋親祀明堂以  
稱陛下昭事神示祖考之意又奏案禮記祀大神於冬至  
祀大示以夏至乃有常日無所卜季秋大享帝以先王配  
則有常月而無常日禮不卜常祀而卜其日社用甲郊用  
辛而日必諏吉所以極嚴恭之義伏請明堂大享以吉辛

之日又奏昨夏祭前一日宿方澤內殿致齋太廟崇靈宮  
冬祀既已親祠將來宗祀明堂伏請依夏至內殿致齋前  
一日宿齋大慶殿又奏按周祀昊天上帝則郊祀是也大  
裘而冕祀五帝亦如之享先王則袞冕祀昊天上帝則郊  
祀是也享先王則宗祀在其中矣蓋于大裘舉正位以見  
配位于袞冕舉配位以見正位伏請祀明堂袞冕又奏按  
禮記莞葦之安而蒲越藁蕞之設釋者謂下莞上算祭天  
則蒲越藁蕞漢舊儀祭天用六絛絛廣六重高帝配天用  
紺席成帝初丞相衡等言其非是遂用藁蕞東漢用莞葦  
晉江左用蒯隋祭天用藁蕞配帝用蒲越唐麟德用衮禘  
開元禮開寶通禮上帝用藁蕞配帝用莞葦宋德中孫奭



請席皆加褥慶慶祀儀上帝以黃配帝以緋元堂中從有  
司之議始不設褥于明堂神席之上又以莞代蒲越蕞  
今郊祀正堂設蒲越明堂正配位並以莞蓋取禮記所謂  
莞簞之安明堂以人道享上帝故也然莞簞自是兩物故  
曰上莞下蕞周禮祀先王亦無單用莞簞之文乃今止用  
莞而不設蕞未盡禮意况郊用特而明堂用牛羊郊用飽  
芻而明堂用玉爵其餘豆登簋俎尊罍並用宗廟之器但  
不設彘不裸則藉神席亦合盡用人情所安兼東漢猶用  
莞簞晉宋以後始單用莞蓋循習之誤伏請明□□□聘  
禮曰壺設于東序北上以並南陳醑泰清皆兩壺蓋醑泰  
清三酒也詩亦曰清酒百壺此三酒寔之壺尊也禮器曰

廟堂之上罍尊在阼犧尊在西此寔酌齊之尊也又曰君  
西酌犧象夫人東酌罍尊此初獻酌酒之位酒正曰大祭  
三二中祭再二小祭一二此酌尊皆有也然以五尊寔五  
齊則壺尊寔三酒可知矣以酌齊之尊在阼階之上則酌  
酒之尊在阼階之下可知矣蓋古者宗廟行九獻之禮君  
與后各四而諸臣一獻以終之故謂之九獻終獻之酌是  
也若止酌齊而不及酒非所以全事祭之義三獻之禮雖  
畧於古而齊酒之酌不可偏廢則初獻酌始亞獻酌盞終  
獻酌酒而九獻之義脩焉然而夏之尊曰罍周之尊曰犧  
象記言罍尊在東犧尊在西此周禮也周先本代之器故  
初獻酌犧後異代之器故亞獻酌罍今太廟明堂之用皆

異代器也當以近者為貴酌尊用犧象可也若夫設而不酌之尊宜以世之先後為次而寔之伏請明堂以恭尊寔泛齊山尊寔醴齊著尊寔盎齊犧尊寔綏齊象尊寔沉齊壺尊寔三酒皆為不酌之尊又以犧尊寔醴齊為初獻象尊寔盎齊為亞獻並陳階阼之下皆為酌尊尊三其貳以脩之少此大祭之禮也又奏周官大司樂分樂而序之以祭以享以祀冬至日于地上之圜邱奏之若樂六變則天神皆降夏日至于澤中之方邱奏之若樂八變則地示皆出於宗廟之中奏之若樂九變則神鬼可得而禮蓋天神地祇宗廟以教類求之其用樂各異焉又案孝經稱郊祀后稷以配天宗祀文王於明堂以配上帝蓋尊祖配天者

郊祀也。殿父配帝者，明堂也。郊祀以遠人而尊，故尊祖以配。天明堂以近人而親，故嚴父以配。帝所以求天神而禮之，其義一也。則明堂宜同郊祀，用禮天神六變之樂。又秦皇祐以來，以大慶殿爲明堂，奏請致齋于文德殿，禮成受賀於紫宸殿，今明堂始建，當于大慶殿奏請致齋，禮成于文德殿受賀。又秦皇祐以來，明堂嘗一節，故詣太廟景靈宮行禮，陳法駕，自簿回宿文德殿，即轉仗自宣德門陳列。而至天漢橋，今明堂郊享後，次年行禮，故不詣太廟景靈宮，即車駕不出皇城，惟列仗于宣德門外，所有自簿儀仗更不排設。又秦周禮，夜三饗以號戒，今奉嚴是也。又與宿齋其儀，曾本錄祀事，其奉嚴本錄警備國朝之制，警嚴並

列于遜宮門外仁宗詔明堂直端門而奏嚴于外恐夫肅  
恭之意於是齋夕權罷今明堂始建于寢殿之東而不與  
端門直將來宗祀大慶殿宿齋皇城外不設鹵簿儀仗其  
警場伏請列于宣德殿門內大慶殿門外 又奏自來明  
堂親祠于大慶殿有司行事于端明殿竊惟王者祀天則  
于郊今明堂始建而有司行事于郊恐未盡禮意伏請非  
就祠殿有司行事亦于明堂又奏按易鼎象以木巽火烹  
飪也聖人亨以享上帝同禮小司寇祀五帝則寔饋水土  
師洎饋水享牲于禮為重今之神廟饋水乃委于庖史之  
賤伏請微周禮以刑部尚書寔饋水利部侍郎增洎饋水  
庶合禮經之意並從之

自禮制局至此寔錄並因詔旨今從之

五月甲寅禮制局編修夏祭勅令式格詳議官兵部尚書蔣獻宣和殿學士蔡攸顯謨閣待制蔡條蔡倫各轉兩官除轉一官減磨勘年有差 六月庚申禮制局編修夏祭

令成提舉蔡京轉一官回授與子條通直郎徽猷閣待制九月庚子禮制局奏請以每歲十月朔御明堂設仗受來歲新歷退而頒之郡縣其布政依此從之 十一月癸

丑禮制局奏乞頒士服于諸路學官每州一副令依樣製造凡作樂釋奠諸生皆服其服 十二月辛未禮制局言所享功臣位版尚用舊官並合除去止用所贈及封國爵謚如王安石稱太傅舒王謚文之類從之 重和元年正

月辛卯禮制局上親耕藉田儀 四月丁丑御筆禮制局  
鑄景靈王陽神應鐘了當應副官勾詳議官中大夫兵部  
尚書符猷等推賞各有差

詔旨景靈王陽神應鐘當考與劉棟所鑄如何

十一月丁丑御筆先王服制方圓階仰大小形色悉有象  
法自周之衰禮文殘闕無復制度因時從容寢以野服施  
于朝廷稽古驗今通追先志不可不革可令禮制局先自  
冠服討論以聞適今之宜仿古之意當力行之以革千歲  
之習其見服雜先次廢罷改用履 十二月庚辰禮制局  
奉詔易鞞為履履有約縵純綦諸仿古制皆隨服之色從  
之 庚子禮制局奏履隨其服色而武臣服色一等當議

差別詔文武大夫以上具四餅朝請郎武功郎以下去總  
從義宣教郎以下至將校伎術官去總絕 宣和元年九  
月丙寅御筆禮制局親錄典禮并修立儀注重脩鹵簿成  
書累年未成推恩吏部尚書蔣猷國子司業馮躬厚各轉  
一官保和殿直學士蔡條蔡倫並各落直字 二年六月  
甲午詔禮制局製造所等各支過料錢物數浩瀚可並限  
一月結絕 八月癸未詔禮制局製造所等官併罷